

19. april 2016

Nunatta pissarititaanik qimminut uumasuutinullu allanut nerisassianik, pisortanit namminersortunillu pigineqataaffiusumik tunisassiorneq, imminut akilersinnaasumik ingerlanneqarsinnaanersoq paasiniarlugu, Naalakkersuisut Upernaakkut Ataatsimiinnermi 2017-mi agguaassassamik nalunaarusiornissaannik peqquneqarnissaannik Inatsisartut aalajangiiffigisassaattut siunnersuut

(Inatsisartunut ilaasortaq Peter Olsen, Inuit Ataqtigiit)

Qimminut nerukkaatissiorfimmik nunatsinni pilersitsisoqarsinnaaneranut iluaqutissartai ajoqutissartaalu pillugit Naalakkersuisut UPA2017-imut nalunaarusiamik suliniuteqaqqullugit inatsisartut aalajangiiffigisassaattut siunnersuut. Tamatumani aningaasaqarnikkut piumasaqaatinngortussat tunisassiornissamullu tunngasut ilanngullugit.

(Inatsisartunut ilaasortaq Anthon Frederiksen, Partii Naleraq)

Oqaluuserisassanut qujanaq, ukiarmi inatsisartut ataatsimiinneranni nunatta nammineq pilersornerulernissaat anguniarlugu Naalakkersuisut suliniuteqaqqullugit kaammattorneqassasut qimminut nerukkaatissanik atorluaarnerunissaanik oqaluuserisassanngortitsigaluarpunga, tamannali tunuar-tippara paasigakku tunisassiornissamik misiliiniarluni Neqi A/S aallartisar-toq.

Inatsisartuni suliner-mi aalajangersakkat malillugit misissuinerpassuit ingerlanneqarnikuuput, ajor-luurtumik oqartariaqarpugut misissuinerpassuit ilaatigut misissueqqinnernik qallerneqartarmata kinguneqaratik, pingaarnerusorlu tassaasoraara timitalersuinernik ingerlatsinissaq.

Nunatsinni nammineq pilersornerunissaq anguniartuartariaqarparput, aamma pingaaruteqarpoq nunatsinni atorluaaneraluta asuli eqqaaneq unitsillugu inuussutissarsiutinut nalituunngortsine-runissaq tunisassiorsinnaanissarlu aqqu-tissiuuttariaqaratsigu.

Tamanna pingaaruteqarsoraara suliffeqarfiit pioreersut atorlugit ingerlanneqarsinnaappata pit-saanerpaassasoq, taamaaliornikkut suut tamaasa nutaangorlugit ingerlatitsinngikkaluarluni misi-leraasinnaanerit eqaanagerusumik ingerlanneqarsinnaasammata.

Soorunami illuatungeriuartussaavaa suliffeqarfiit pioreersut aningaasarsiornikkut niuernerpalaar-tumik ingerlatsinissaanik piumasaqaateqarfigineqartut aamma aningaasarsiornikkut eqqugaasin-naanerat mianerisariaqarmata.

Avataanniit eqqu-sukkat illua-tungilerneqarnissaat pisariaqarpoq nunatsinniit eqqak-kat atorluar-nerisigut suliffissanik pilersitsinikkut niuernikkullu iluaqusiisinnaasunngorlugit, taamaattumik nu-annaarutissaavoq Neqi A/S ukioq manna naatsorsuutigimmagu 40 tons savanik toqoraanermiit sinnikut atorlugit misileraalluni qimmit nerukkaatissaanik tuniniaalluni aallartissammat. Tamanna timitalersorneqalissaaq Danmarkimi inuussutissanut aqutsisoqarfik (Fødevarestyrelsen) akuerseri-arp-at.

Taamaattumik nerukkaatissanik nammineq pilersornissap tunngaanut aallartisar-neqartup malitsigisaannik periarfissat tamaasa ammatillugit oqaluuserinissaat pisariaqarpoq ass. ukiorpassuannngortuni nunalerinermik inuussutissarsiuteqartut aalisakkanik qajuusaasialiorfimmik

(fiskemel)-iliorfimmik ujartuinikuupput, tamannalu aalisakkat perlukuinik eqqaanermiit atorluaanerusinnaasoq ilanngullugu oqaluuserineqassasoq kaammattuutigaarput soorluttaaqq assartuineranut periarfissarititaasut ilanngullugit oqaluuserineqartariaqartut.

Neqi A/S uummasunik toqoraavik nutaatut taaneqarsinnaasoq ukioq kaajallallugu suliffeqarfittut ingerlasinnaanissaa anguniarneqartuarpoq taamatullu aningaasarsiornikkut ajunngitsumik inisinnissaa siunertaralugu aningaasarpasuit atorlugit suliarineqarpoq.

Taamaattoq ukiorpassuannortuni savaatit uummasuutit amerliartunnginnerisa kingunerisaanik, ukioq kingulleq pinngortitap uummasuutilinnut equinerlunnerata kingunerisaani suli annerusumik toqoraaviliartussat ikiligaluttuinnartussatut isikkoqarput.

Takuneqarsinanavoq toqoraaviup siunertaa uummasuutit amerlanerusut toqoraaviliartalissasut imaaliallaanaq iluatsissinnaangitsoq, taamaattumik pisariaqarpoq allatut aamma eqqarsarluni annertusaanissap atorluaanissallu tungaannut ilanngullugu aqutissiussinnaanissaq.

Taamaammat qimminut/uummasunut nerukkaatissanut tunisassiorneq tuniniaanerlu aallartisarneqalereermat Siumumiit tamanna nuannaarutigaarput, aamma pingaaruteqarpoq qanimut qanoq ingerlanera malinnaavigalugu alliaartorsinnaanissaanut aqutissiueqataanissaq pingaaruteqartoq isumaqarpugut, ass. Isumaqatigiissusiornikkut ingerlatsisinnaanissaq, tamannami aamma siunnersuuteqartut anguniagaannut ilaatigut naapertuulluurtutut oqaatigineqarsinnaavoq.

Taamaammat Siumumiit ataatsimut isigalugu inatsisissatut allannguutissatut siunnersuutit Inuussutissarsiornermut ataatsimiititaliamut suliassanngorlugit ingerlatinneqassasut innersuussutigaarput.

Suka K. Frederiksen

Siumut